

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» ----- 2016թ.

N-----Ա

**ՈՐՈՇՈՒՄ**

**ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ**

Ղեկավարվելով ՀՀ քաղաքացիական օրենսգրքի 36-րդ գլխի կանոններով, Երևան քաղաքի ավագանու 2015 թվականի դեկտեմբերի 23-ի N451-Ն որոշման հավելվածի 3-րդ կետով՝

**Երևան քաղաքի ավագանին որոշում է.**

1. Թույլատրել Երևանի քաղաքապետին՝ Երևան համայնքի սեփականություն հանդիսացող Երևանի Սևանի փողոցի հ.104/2 հասցեում գտնվող շենք- շինությունները և դրանց զբաղեցրած և սպասարկման համար անհրաժեշտ 1797.7 քմ մակերեսով հողամասը (անշարժ գույքի նկատմամբ իրավունքների պետական գրանցման 13.04.2016թ. հ.13042016-01-0009 վկայական) անժամկետ անհատույց օգտագործման իրավունքով տրամադրել Հայաստանի Հանրապետության կառավարությանն առընթեր պետական եկամուտների կոմիտեին:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ-ՀԻՄՆԱՎՈՐՈՒՄ

### «ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱՂԻՇԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Հայաստանի Հանրապետության կառավարությանն առընթեր պետական եկամուտների կոմիտեի նախագահը դիմել է Երևանի քաղաքապետին՝ Երևան համայնքի սեփականությունը հանդիսացող, Երևանի Սևանի փողոց հ.104/2 հասցեում գտնվող շինությունները և դրանց զբաղեցրած և սպասարկման համար անհրաժեշտ հողամասը անհատույց օգտագործման իրավունքով կոմիտեին տրամադրելու խնդրանքով:

Քննարկվող հասցեում գտնվող հողամասը ՀՀ կառավարության 24.12.2009թ հ.1517-Ն որոշմամբ փոխանցվել է Երևան համայնքին: Երևանը, որպես համայնք ձևավորվելուց հետո, համայնքային սեփականություն հանդիսացող գույքի արդյունավետ կառավարման նպատակով նախաձեռնել է պետական գրանցման աշխատանքներ Սևանի փողոց հ.104/2 հասցեում գտնվող անշարժ գույքի նկատմամբ, որի արդյունքում ստացվել է անշարժ գույքի նկատմամբ իրավունքների պետական գրանցման 13.04.2016թ. հ.13042016-01-0009 վկայականը:

Վերոհիշյալ հասցեում գտնվող տարածքը մշտապես օգտագործվել է Հայաստանի Հանրապետության կառավարությանն առընթեր պետական եկամուտների կոմիտեի կողմից՝ որպես ավտոտնտեսություն: Պետական եկամուտների կոմիտեի բնականոն աշխատանքները շարունակելու նպատակով անհրաժեշտություն է առաջացել Սևանի փողոց հ.104/2 հասցեում գտնվող պահակատունը /37.8 քմ/, ավտոտնակները /285.2 քմ/, սանհանգույցը /1.3 քմ/, բոքսերը /108.5 քմ/, բենզալցման կետը /27.2 քմ/, պարիսպը /11.9 քմ/, ծածկերը /45.6 քմ+7.8 քմ/ և դրանց զբաղեցրած ու սպասարկման համար անհրաժեշտ 1797.7քմ մակերեսով հողամասն անհատույց օգտագործման իրավունքով տրամադրել կոմիտեին:

Ելնելով վերոգրյալից՝ Երևան քաղաքի ավագանու քննարկմանն է ներկայացվում Հայաստանի Հանրապետության կառավարությանն առընթեր պետական եկամուտների կոմիտեին անժամկետ անհատույց օգտագործման իրավունքով գույք տրամադրելու մասին Երևան քաղաքի ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

**ՏԵՂԵԿԱՆՔ**

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ  
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ  
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

**ՏԵՂԵԿԱՆՔ**

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ  
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆ  
ՔԱՂԱՔԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ  
ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագծի ընդունման կապակցությամբ Երևան քաղաքի բյուջեի ծախսերում փոփոխություններ չեն առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**